

parce ramosis, foliis fere omnibus radicalibus obovatis vel oblongis dentatis vel inferne pinnatifidis, ramulis et pedunculis capillaribus ante anthesin nutantibus, capitulis minutis, involuci phyllis externis breviter et tenuiter subulatis internis glabris vel dorso parce setulosis, acheniis oblongis striatis in rostrum tenue achenio ipso dimidio brevius attenuatis, receptaculo glabro ⊖.

Hab. in collibus regionis inferioris et montanæ Cretæ ad Akrotiri et Aradrena (Raul! Noë exs. sub *B. bellidifoliā*!).

Caules 2-4-pollicares, capitula magn. *C. neglectæ* vel minora; huic affinis sed distincta acheniis in rostrum duplo tenuius longiusque abeuntibus. *C. Sufreniana* differt caulis crassioribus rigidis inferne valde scabris, pedunculis non capillaribus, acheniis duplo longioribus; *C. bellidifolia* et *leontodontoides* radice bienni.

47. *C. pterothecoides*, crebre et breviter papilloso-glandulosa, caulis humilibus tenuibus a parte inferiori dichotomis, foliis radicalibus rosulatis parvis obovato-oblongis breviter petiolatis dentatis vel runcinatis, caulinis præter inferius amplexicaule anguste lanceolatum dentatum ad dichotomias linear-setaceis, pedunculis elongatis breviter piloso-glandulosis, capitulis mediocribus fructiferis cylindricis, involuci breviter glanduloso-hirti phyllis externis triplo brevioribus adpressis triangulari-lanceolatis interioribus facie internâ glabris, acheniis elongatis tenuiter et obsolete striatis externis brevius internis a parte dimidiâ sensim attenuato-rostratis, pappo niveo achenium non superante ⊖.

Hab. in glareosis saxosis montosis Garbi Antilibani supra Zeldani 5000' (Ky. 33!).

Facies omnino *Pterothecæ Nemausensis* vel *bifidæ*, sed receptaculum non piliferum. Scapi 4-6-pollicares, folia radicalia 1-1 $\frac{1}{2}$ -pollicaria, involucrum fructiferum sex lineas longum, achcnia 3-3 $\frac{1}{2}$ longa.

48. *C. fallax*, parce et patule pilosula, caule erecto foliato stricte ramosissimo ramis laxe cymosis, foliis teneris viridibus lyrato-pinnatipartitis segmento terminati ovato-cordato obtusiusculo lateralibus basi confluentibus triangularibus retrorsis acutis, radicalibus in petiolum attenuatis caulinis subsessilibus et sessilibus basi sagittatis, bracteis herbaceis linearisubulatis, capitulis mediocribus, pedunculis virgineis cernuis, involuci fructiferi sub apice valde constricti phyllis externis linearisubulatis tandem patentibus glabris, internis quadruplo longioribus dorso demum carinato setis mollibus glandulosis et eglandulosis hispidis, acheniis marginalibus phyllis inclusis scabridis sensim attenuatis erostribus, cæteris in rostrum tenue triplo longius attenuatis, pappo niveo involucrum multo superante ②.

Hab. in Anatoliæ australis maritimæ montosis prope Anamour (Péronin!).

Planta 1 $\frac{1}{2}$ -3-pedalis inter *C. setosam* et *fætidam* facie intermedia, a priori pedunculis cernuis, capitulis majoribus, involuci setis tenuibus nec aculeiformibus, acheniis difformibus longius rostratis distincta, posteriori magis affinis sed distincta foliis teneris glabrescentibus, capitulis minoribus, involucro